


Vengq diemx mbang ndeu, bu youq gwnzdieg dingjlaeuz, gwnz diemx baij miz gak cungj gijgwn, dahlwg iq gou dawz aen vadaeng yaepyp caeuq daxmeh de ganggoj guh'angq, giz mbouj gyae miz gyoengq baengzyoux cingq gwn laeuj, yungh fuengsik gyoengqde gvaq ciet cibngux. Gou gyaez nauhyied, hix maij caemdingh, mbouj rox vih gijmaz, haemhneix gou mbouj miz saek di simgei caeuq gyoengq baengzyoux itheij guh'angq gwn laeuj.

Gou daep aen wjgih, ndaw soujgih cingq cuengq diuz ganghginzgiz Sizcin 《Ganghginzgiz Doengxaemh》 rwenzrdw, hawj gou sim engq dingh lo, aensim hix caeuq aennadang ninz youq gwnz diemx haenx soengset roengzdaeuj, doengxngoenz cienfanh saeh simnyap haenx hix mbouj guenj lo. Dinghdingh dwk, songda yawj daengz gwnzmbwn, yaek ra aen ronghndwen youq gizlawz, hoeng cij raen benq fwj baihlaeng de miz rongh mumjgyumq, couh lumj dahsau launyaenq yungh baengzsa gyuem naj nei, hawj gou engqgya siengj yawj naj gyaegyuet de. Ronghndwen lumj rox gij sim'eiq gou, ndonj haeuj benq youh benq fwjhau, lumj yaek caeuq gou doxraen, hix lumj dwg daegdaengq caeuq gou doxndoj, yaep ndeu loh'ok buenq fajnaj de, yaep dauq ndoj hwnjdaeuj, yaep rongh yaep laep, couh lumj cuengq denyinji ityiengh, dauqfanj hawj gou ngeix daengz aen youh aen vehmienh. Gou menhmenh laep da hwnjdaeuj, yawjraen gokda daxmeh lai nyaeuq loh, rumziq ci luenh le byoemgyaeuj de, najbyak geij dug byoemgyaeuj raiz haenx duiq roengzdaeuj, riengz rumziq mbinfe. Daxmeh hix muenghyawj ronghndwen, daj ndaw lwgda de ndaej yawj ok, de miz di siengsim, neix dwg gij siengsim bouxmeh siengj lwg ha. Gou caiq yawjraen daeggo aennadang byombyet, goknaj doedok, haenx dwg daeggo baenzseiq lauxsaed dwgrengz



sanjvwnz

Vuenyungz

幸福

□Luz Cenzyau/陆全耀

ha, siengj daengz doenghbaez gyoengqde vih soengq gou doegsaw mbouj rox ok le geijlai goengrengz, hoeng youq ngoenz daegbied neix, mbouj ndaej buenxyouq henz ndang gyoengqde.....Mbouj rox dwg naed raiz seizcou ruenz daeuj roxnaeuz raemxda siengsim gou lae okdaeuj, gokda gou gaengq mbaeqmbet lo, raq

rumziq ci daeuj, gamj daengz miz di caep ndeu, gou ganjvaiq dawz gokda uet seuq, lau dahlwg caeuq yah gou yawjraen, hawj gyoengqde hix gaen gou siengsim.

Caj gou caiq hai lwgda daeuj, gingjsaek gwnzmbwn senq mbouj doengz lo, gij fwj daxbaenh mbouj rox deuz daengz gizlawz bae lo.

Gwnzmbwn lamzsisi, couh lumj raemxhaij cinghseuq, cingx lumj gingq, geij aen ndaundeiq laengz-saengj mbin youq gwnzmbwn, miz baez yaep geij mbat, lumj cehda yaek laep haenx nei. Seizneix, gou dauqdaeuj yawj ndaej cingcu aennaj ronghndwen lo, de lumj aenbuenz cinghvae cimq youq ndaw raemxhaij feuz youh cingx haenx, dwg yienghhaenx byaunyinh, caemdingh. Gou cim dwk, yawj dwk, hoenz gou menhmenh lizgyae ndangdaeuj gou, yied mbin yied sang, fwngz gou couh yaek lumh dawz aen ronghndwen gyaundeiq haenx lo, gou caen siengj ndonj haeuj ndaw ronghndwen bae, yawj gij yiengh-siengq gyaundeiq Cangzngoz ndaej hawj duzbya caem, hawj roegnnyanh doek haenx; gou caen siengj bungj gop "raemxhaij" liengzsisi ndeu daeuj swiq naj, hawj bonjfaenh sim soengswtswt, swiq seuq gij nyapnyuk ndawsim, swiq deuz gij cabniemh bonjfaenh; gou engq siengj naengh hwnj aen ruziq, yunghrengz vad bae, dauqma daengz seiziq mbouj you mbouj heiq haenx. Hoeng, couhcinj gou baenzlawz mbin hix gyaep mbouj dawz aen ronghndwen, hix gop mbouj dawz gij "raemxhaij" haenx.

Seiqvunz bouxlazw cungj miz gij maqmuengh gyaundeiq, roengzrengz le couh rox daengz saedceij bonjfaenh dwg geijlai vuenyungz, youq mwngz roengzrengz gvaq le, mwngz couh gamjdaengz, mbouj itdingh aeu bae saedyienh de cij ndaej hawj bonjfaenh daiq daeuj vaiqvued.

Loq dauqdaeuj lij dwg loq, dang gou dauq singj gvaqdaeuj le, dahlwg gou vanzlij caeuq daxmeh de angq dwk ganggoj, sing riu de dwg geijlai diemz ha. Gou fwt singj gvaqdaeuj, neix nanzdauh mbouj dwg vuenyungz ha? Gvaq ndei moix ngoenz, guh ndei saeh bonjfaenh, moix ngoenz gvaq ndaej cungsae, yienghneix couhdwg vuenyungz lo!

Mboujgvaq, baez cairengx haenq neix, caemh coi boux goengdaeuz Guengjsae caiq bae ngeixnaemj: Wnggai guh cosih gijmaz, cij ndaej daj goekgaenq gaijcawz gij cainanh cairengx haenx.

Miz baez ndeu, Veiz Gozcingh caeuq seizhaenx guh Swcigih Gohveij fucuyin Dauz Hihcin doxyaeng saeh cairengx Guengjsae. Dauz Hihcin dwg youq 60 nienzdaih co daj Cunghyangh cuengqroengz daeuj Guengjsae, caengz daeuj gaxgonq, de dwg boux Gozvuyen fumisuhcangj ndeu. Mehyah de Cuh Lenz youq mwh hoenxcienq dwg boux Veiswngghbu buchangj 129 Swh, boux lauxhangz citcim okmingz ndeu, caemh cuengqroengz daeuj Namzningz guh boux fusicangj. Dauz Hihcin mizyinx dwk gangj gij gamjsouh de bae Diegndoeng Vahbingz maeuqdiemj haenx. Diegndoeng Vahbingz youq

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

baihnanz Lungzswng Gak Cuz Swciyen, liz Gveilinz Si 50 goengleix gyae. Gizneix miz benq ndoenglaux gvangq 130 lai bingzfueng goengleix ndeu, miz faexdaeq, faexrin, faexgaeujgaiz, faexbegsin mbawceg, suijcinghgangh, faexraq-raizguk, doenghgo faexgauj daengj gofaex gyoebbhaenz benq ndoengfaex mbawhung ciengzheu yayezdai, miz faexoengz riengjmax, faexbek Fuzgen, faexraq, faexcazmoeg, faexmaklimx, gofaexyinzsanh daengj

gofaex sangneng dijbauj, gizde dwg ndoeng doenghgo okmingz Guengjsae, dwg suen goyw sengcingz, suen doenghduz hung, dwg diendanz duzroeg, seiqgyaiq gova. Bi 1961 baenz aen daih'it diegbaujhoh swyenz Guengjsae, doeklaeng youh ndaej lied haeuj diegbaujhoh swyenz gaep guekgya ndeu. Dauz Hihcin gaxgonq bae baihde guh diucaz gvaq, de fatyienh, mboujguenj baihrog hawq baenz yienghlawz, gizneix fwjfuemx, seiz mbouj seiz lij doekfwn, raemx

gwnz bya, daengxib dai lajnamh caeuq ndaw ngabrin lae okdaeuj. De naeuz: "Ndoengfaex dwg aen daemzraemx yawj mbouj raen ndeu, doek fwnraq, de cix rom raemxfwn hwnjdaeuj, mbwn rengx le, de youh raemx laecetcet, seizfwn mbouj baenz raemxrongz, seizndat mbouj baenz mbwn rengx. Ndigah, siengj daj gaenbonj bae gaijgez cairengx daeuj hangz, itdingh aeu ndaem faex cauh ndoeng."

(caengz sat)